

ՈՐՈՇՈՒՄ ԹԻՎ 022

խումներ իրականացնելու մասին

14.07.2015թ.

ք.Երևան

ՀՀ արդարադատության նախարարության աշխատակազմի իրավաբանական անձանց պետական ռեգիստրի գործակալության (այսուհետ՝ Գործակալություն) պետ Կ.Ադամյանս՝ ուսումնասիրելով «Պարամաունտ Գոլդ Մայնինգ» փակ բաժնետիրական ընկերության (այսուհետ՝ Ընկերություն) միակ բաժնետեր «Էյ Էմ Ջի Էմ Ս. ա. ը. լ.» սահմանափակ պատասխանատվությամբ ընկերության տնօրեններ Ալեքսանդր Տասկիրանի, Օլեգ Բեյլակի, Անդրեյ Կիշկինսկիյի, Մելինա Հովարդի լիազորված անձ Կարո Միքայելյանի Ընկերության տնօրենի փոփոխությամբ պայմանավորված պետական գրանցում կատարելու վերաբերյալ 10.07.2015թ. դիմումը, դիմումին կից փաստաթղթերը և Ընկերության տնօրեն Մ.Արզաքանյանի 27.03.2015թ. դիմումը՝

ՊԱՐԶԵՑԻ

Ընկերության միակ բաժնետեր «Էյ Էմ Ջի Էմ Ս. ա. ը. լ.» սահմանափակ պատասխանատվությամբ ընկերության տնօրեններ Ալեքսանդր Տասկիրանի, Օլեգ Բեյլակի, Անդրեյ Կիշկինսկիյի, Մելինա Հովարդի լիազորված անձ Կարո Միքայելյանի կողմից 10.06.2015թ. դիմում է ներկայացվել Գործակալություն՝ Ընկերության տնօրենի փոփոխությամբ պայմանավորված պետական գրանցում կատարելու վերաբերյալ: Դիմումին կից ներկայացվել է «Էյ Էմ Ջի Էմ Ս. ա. ը. լ.» սահմանափակ պատասխանատվությամբ ընկերության տնօրեններ Ալեքսանդր Տասկիրանի, Օլեգ Բեյլակի, Անդրեյ Կիշկինսկիյի, Մելինա Հովարդի կողմից Կարո Միքայելյանին տրված լիազորագիրը, մուծված պետական տուրքի թիվ 00028005 անդորրագիրը, արտաբյուջեի վճարումը հավաստող թիվ 00028006 վճարման կտրոնը, «Էյ Էմ Ջի Էմ Ս. ա. ը. լ.» սահմանափակ պատասխանատվությամբ ընկերության թարգմանված և վավերացված կանոնադրության պատճենը, Ընկերության լիազորագիրը՝ տրված Կարո Միքայելյանին, Կարո Միքայելյանի անձնագրի պատճենը, Սերգեյ Պոլովինսկինի անձնագրի թարգմանված և վավերացված պատճենը, «Էյ Էմ Ջի Էմ Ս. ա. ը. լ.» սահմանափակ պատասխանատվությամբ ընկերության տնօրեններ Ալեքսանդր Տասկիրանի, Օլեգ Բեյլակի, Անդրեյ Կիշկինսկիյի, Մելինա Հովարդի կողմից ստորագրված 16.06.2015թ. տնօրենների խորհրդի որոշումը, «Էյ Էմ Ջի Էմ Ս. ա. ը. լ.» սահմանափակ պատասխանատվությամբ ընկերության տնօրեններ Ալեքսանդր Տասկիրանի և Մելինա Հովարդի կողմից տնօրենների խորհրդի 16.06.2015թ. որոշմանը կրկին հավանություն տալու վերաբերյալ 19.06.2015թ. Ընկերության բաժնետերերի արտահերթ ժողովի արձանագրությունը, Լյուքսեմբուրգի առևտրի և ընկերությունների ռեգիստրի կողմից 16.06.2015թ. տրված քաղվածքը՝, «Էյ Էմ Ջի Էմ Ս. ա. ը. լ.» սահմանափակ պատասխանատվությամբ ընկերության տնօրենների վերաբերյալ:

Խնդրել են կատարել Ընկերության տնօրենի փոփոխությամբ պայմանավորված պետական գրանցում:

27.03.2015թ. Գործակալություն է մուտքագրվել Ընկերության տնօրեն Մ.Արզաքանյանի դիմումը, որով տեղեկացվել է, որ հնարավոր են դեպքեր, երբ

«Ընկերությանն առնչվող պետական գրանցում կատարելու համար Ընկերության անունից Գործակալություն ներկայացվեն համապատասխան իրավասություն չունեցող անձի կողմից կայացված որոշումներ»: Խնդրել են ձեռնպահ մնալ պետական գրանցում կատարելուց:

Պատճառաբանություններ և եզրահանգումներ

«Իրավաբանական անձանց պետական գրանցման, իրավաբանական անձանց առանձնացված ստորաբաժանումների, հիմնարկների և անհատ ձեռնարկատերերի պետական հաշվառման մասին» ՀՀ օրենքի (այսուհետ՝ Օրենք) 20-րդ հոդվածի 24-րդ մասի համաձայն. «Որևէ անձի գրավոր դիմումի առկայության դեպքում, որի համաձայն գրանցման ներկայացված փաստաթղթերում զետեղված փաստերը չեն համապատասխանում իրականությանը, գրանցումը մերժելու ակնհայտ հիմքերի բացակայության դեպքում **պարտադիր** իրականացվում են լուումներ կամ գրավոր ընթացակարգ»:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի համաձայն «վարչական վարույթ հարուցելու հիմքերն են.

ա) անձի դիմումը, բողոքը...», իսկ 2-րդ մասի համաձայն «սույն հոդվածի 1-ին մասի «ա» կետով նասխատեսված դեպքերում վարչական վարույթը համարվում է հարուցված՝ համապատասխան դիմումը կամ բողոքը վարչական մարմնում ստանալու օրվանից...»:

«Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի համաձայն վարչական մարմինը պարտավոր է ապահովել փաստական հանգամանքների բազմակողմանի, լրիվ և օբյեկտիվ քննարկումը՝ բացահայտելով գործի բոլոր, այդ թվում՝ վարույթի մասնակիցների օգտին առկա հանգամանքները, իսկ 38-րդ հոդվածի 1-ին մասի համաձայն վարչական մարմինը վարչական վարույթի ընթացքում պարտավոր է վարույթի մասնակիցներին և նրանց ներկայացուցիչներին հնարավորություն տալ արտահայտվելու վարչական վարույթում քննարկվող փաստական հանգամանքների վերաբերյալ:

«Վարչարարության հիմունքների և վարչական վարույթի մասին» ՀՀ օրենքի 21-րդ հոդվածի 1-ին մասի «բ» համաձայն. «Վարչական վարույթի մասնակիցներն են...բ)երրորդ անձինք՝ այն անձինք, որոնց իրավունքները և օրինական շահերը կարող են շոշափվել վարույթի արդյունքում ընդունվելիք վարչական ակտով», իսկ նույն հոդվածի 2-րդ մասի համաձայն. «Սույն հոդվածի 1-ին մասի «բ» կետում նշված վարույթի մասնակիցները վարչական վարույթում ներգրավվում են իրենց դիմումի համաձայն կամ վարչական մարմնի նախաձեռնությամբ»:

Հետևաբար, անհրաժեշտություն է առաջանում Ընկերության տնօրեն Մարտիկ Արզաքանյանին ներգրավել վարույթին և լուումներին որպես երրորդ անձ, քանի որ հետագայում վարույթի արդյունքում ընդունվելիք վարչական ակտով կարող են շոշափվել նրա իրավունքները կամ օրինական շահերը:

Ելնելով վերոգրյալից և ղեկավարվելով Օրենքի 20-րդ հոդվածի 24-րդ մասի, «Վարչարարության հիմունքների և վարչական վարույթի մասին» ՀՀ օրենքի 21-րդ հոդվածի 1-ին մասի «բ» կետի և 2-րդ մասի, 30-րդ հոդվածի 1-ին մասի ա) կետի և 2-րդ մասի, 37-րդ հոդված 1-ին մասի դրույթներով՝

ՈՐՈՇԵՑԻ

1. Ընկերության միակ բաժնետեր «Էյ Էմ Զի Էմ Ս. ա. ը. լ.» սահմանափակ պատասխանատվությամբ ընկերության տնօրեններ Ալեքսանդր Տասկիրանի, Օլեգ Բելյակի, Անդրեյ Կիշկինսկիյի, Մելինա Հովարդի լիազորված անձ Կարո Միքայելյանի Ընկերության տնօրենի փոփոխությամբ պայմանավորված պետական գրանցում կատարելու վերաբերյալ 10.07.2015թ. և Ընկերության տնօրեն Մ.Արզաքանցյանի 27.03.2015թ. դիմումների հիմքով հարուցված վարչական վարույթի շրջանակներում իրականացնել լսումներ, որի արդյունքում պարզել.

- տեղի ունեցել է արդյոք Ընկերության բաժնետերերի ընդհանուր ժողով, թե՛ ոչ:
- տնօրենի փոփոխության մասին Ընկերության որոշումը համապատասխանում է արդյոք Ընկերության կանոնադրության պահանջներին:

2. Որպես վարչական վարույթի մասնակից՝ երրորդ անձ վարույթին և լսումներին ներգրավել Ընկերության տնօրեն Մարտիկ Արզաքանցյանին:

3. Լսումների իրականացումը հանձնարարել Գործակալության գրանցման բաժնի պետ Արմեն Առաքելյանին:


4. Ընկերության գործադիր մարմնի ղեկավարի փոփոխությամբ պայմանավորված պետական գրանցման ժամկետի ընթացքը կասեցնել 20 օրով:

5. Լսումների առաջին նիստը նշանակել 27.07.2015թ.-ին, ք.Երևան, Կոմիտաս 49/3 հասցեում, ժամը 11.00-ին:

6. Որոշման մասին ծանուցել կողմերին և երրորդ անձին:

7. Որոշումը հրապարակել Հայաստանի Հանրապետության հրապարակային ծանուցումների պաշտոնական ինտերնետային կայքում:

Սույն որոշումն ուժի մեջ է մտնում վարույթի մասնակիցներին այն հանձնելուն հաջորդող օրվանից և ենթակա է բողոքարկման օրենքով սահմանված կարգով ՀՀ արդարադատության նախարարին կամ ՀՀ վարչական դատարան:



ԿԱՄՈ ԱԴԱՄՅԱՆ